

ახმეტის მუნიციპალიტეტის საკრებულოს

დადგენილება №5
2015 წლის 27 იანვარი

ქ. ახმეტა

ახმეტის მუნიციპალიტეტის მოსახლეობის სოციალური დახმარების 2015 წლის პროგრამისა და მისი ბიუჯეტის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16- მუხლის მე-3 და მე-4 პუნქტებისა, „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტის შესაბამისად, ახმეტის მუნიციპალიტეტის საკრებულო ადგენს:

მუხლი 1

დამტკიცდეს თანდართული „ახმეტის მუნიციპალიტეტის მოსახლეობის სოციალური დახმარების 2015 წლის პროგრამა“ (დანართი №1) და „ახმეტის მუნიციპალიტეტის მოსახლეობის სოციალური დახმარების 2015 წლის პროგრამის ბიუჯეტი“ (დანართი №2).

მუხლი 2

მაღადაკარგულად გამოცხადდეს „ახმეტის მუნიციპალიტეტის მოსახლეობის სოციალური დახმარების 2014 წლის პროგრამისა და მისი ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2014 წლის 20 იანვრის №2 დადგენილება (www.matsne.gov.ge, 27/01/2014, 190020020.35.162.016219).

მუხლი 3

დადგენილება ამოქმედდეს გამოქვეყნებისთანავე.

ახმეტის მუნიციპალიტეტის
საკრებულოს თავმჯდომარე

გელა ჯუგაშვილი

დანართი №1

ახმეტის მუნიციპალიტეტის მოსახლეობის სოციალური დახმარების 2015 წლის პროგრამა

მუხლი 1. პროგრამის სახელწოდება

წინამდებარე პროგრამის სახელწოდებაა „ახმეტის მუნიციპალიტეტის მოსახლეობის სოციალური დახმარების პროგრამა“.

მუხლი 2. პროგრამის განხორციელების ვადა

პროგრამის განხორციელების ვადა განისაზღვრება 2015 წლის 1 იანვრიდან 2015 წლის 31 დეკემბრის ჩათვლით.

მუხლი 3. პროგრამის ბიუჯეტი

პროგრამის ბიუჯეტი შეადგენს 337.500 (სამას ოცდაჩვიდმეტი ათას ხუთასი) ლარს.

ახმეტის მუნიციპალიტეტის საკრებულოს 2015 წლის 1 ივნისის დადგენილება №48 - ვებგვერდი, 05.06.15 წ.

მუხლი 4. პროგრამის დაფინანსების წყარო

პროგრამის დაფინანსება ხორციელდება ახმეტის მუნიციპალიტეტის ადგილობრივი ბიუჯეტიდან.

მუხლი 5. სოციალური დახმარების სამიზნე ჯგუფები

„ა“ ეკონომიურად და სოციალურად გაჭირვებული ოჯახები, რომლებიც არ იღებენ სოციალურ შემწეობას და მათი ოჯახის სარეიტინგო ქულა არის 70 000-მდე (ქულის მინიჭების თარიღიდან გასული უნდა იყოს არაუმეტეს ერთი წელი).

„ბ“ სოციალურად დაუცველ მოქალაქეთა სტაციონარული მკურნალობის, ოპერაციის და ლაბორატორიული გამოკვლევების დაფინანსება;

„გ“ შეზღუდული შესაძლებლობის მქონე ბავშვები (16 წლამდე);

„დ“ უდედმამო ბავშვები (16 წლამდე);



„ე“ 95 წლის ასაკს გადაცილებული პირები;

„ვ“ საქართველოს ტერიტორიული მთლიანობისათვის ბრძოლაში დაღუპულთა ოჯახები;

„ზ“ დიდი სამამულო ომის ვეტერანები;

„თ“ გარდაცვლილ ომის ვეტერანთა ოჯახები;

„ი“ მრავალშვილიანი (რომელთაც ჰყავთ 2014 წლის 1 ივნისამდე დაბადებული 4 და მეტი არასრულწლოვანი შვილი) ოჯახები;

„კ“ ახალშობილთა ოჯახები (პირველი და მეორე ბავშვის შეძენის შემთხვევაში).

„ლ“ ხანძრის შედეგად დაზარალებულთა ოჯახები;

„მ“ უპატრონო მიცვალებული;

„ნ“ მაღალმთიან რეგიონში (თუშეთი) მუდმივად მცხოვრები პირები;

„ო“ მაღალმთიან რეგიონში (თუშეთი) მუდმივად და სეზონურად მცხოვრები ოჯახები/პირები;

„პ“ (ა)იპ „ახმეტის მუნიციპალიტეტის სოციალური სახლის“ უფასო კვების ობიექტის დაფინანსება;

„ჟ“ დიალიზის სახელმწიფო პროგრამით მოსარგებლე პირები;

რ) სტიქიის შედეგად უსახლკაროდ დარჩენილი ოჯახები;

ს) დიალიზის სახელმწიფო პროგრამით მოსარგებლე, ონკოლოგიური და ფსიქიკური პრობლემის მქონე ავადმყოფები“

ტ) ცერებრალური დამბლით დაავადებული ბავშვები“.

უ) განსაკუთრებულ შემთხვევებში „სოციალური პაკეტით განსაზღვრული დახმარების მსურველ პირთა განცხადებების განმხილველი კომისიის“ დასკვნის საფუძველზე გამოყოფილი სოციალური დახმარება იმ პირების მიმართ, რომლებიც ვერ აკმაყოფილებენ სამიზნე ჯგუფის მოთხოვნებს ან კონკრეტული მიზეზების გამო ამ ეტაპზე შეუძლებელია დახმარება სოციალური პროგრამის სხვა მუხლებიდან .

ახმეტის მუნიციპალიტეტის საკრებულოს 2015 წლის 1 ივნისის დადგენილება №48 - ვებგვერდი, 05.06.15 წ.

ახმეტის მუნიციპალიტეტის საკრებულოს 2015 წლის 5 ოქტომბრის დადგენილება №63 - ვებგვერდი, 07.10.15 წ.

მუხლი 6. სოციალური დახმარების ოდენობა

„ა“ ეკონომიურად და სოციალურად გაჭირვებული ოჯახებისთვის - 100 ლარი;

„ბ“ სოციალურად დაუცველ მოქალაქეთა სტაციონარული მკურნალობის, ოპერაციისა და ლაბორატორიული გამოკვლევების, ცერებრალური დამბლით დაავადებულ ბავშვთა სამკურნალო ვარჯიშების დაფინანსება (გარდა ესთეტიკური ქირურგიის, კოსმეტიკური მიზნით ჩატარებული მკურნალობის და ლოგოპედის მომსახურებისა) მოქალაქის მიერ გადასახდელი თანხის 3000 ლარის და მეტის შემთხვევაში - არაუმეტეს 1000 ლარისა, 3000 ლარამდე თანხის შემთხვევაში - არაუმეტეს 500 ლარისა, მოქალაქის მიერ 500 ლარამდე გადასახდელი თანხის შემთხვევაში აღნიშნული პროგრამით დაფინანსდება მხოლოდ ის ოჯახი, რომლის სარეიტონგო ქულა არის 70 000-მდე.

„გ“ შეზღუდული შესაძლებლობის მქონე ბავშვები (16 წლამდე) - 100 ლარი (საახალწლო კალათა - 50 ლარი, სააღდგომო კალათი - 50 ლარი);

„დ“ უდემდამო ბავშვები (16 წლამდე) - 100 ლარი (საახალწლო კალათა - 50 ლარი, სააღდგომო კალათა - 50 ლარი);

„ე“ 95 წლის ასაკს გადაცილებულ პირთა დახმარება - 100 ლარი;

„ვ“ საქართველოს ტერიტორიული მთლიანობისათვის დაღუპულთა ოჯახები - 250 ლარი;



„ზ“ ომის ვეტერანთა სადღესასწაულო და დაკრძალვის სარიტუალო ხარჯები;

„ზ.ა“ დიდი სამამულო ომის ვეტერანთა სადღესასწაულო დახმარება - 9 მაისის დღესასწაულისათვის - 200 ლარი;

„ზ.ბ“ ომის ვეტერანთა დაკრძალვის სარიტუალო ხარჯებისთვის - 250 ლარი;

„თ“ მრავალშვილიანი (რომელთაც ყავთ 2014 წლის 1 ივნისამდე დაბადებული 4 და მეტი არასრულწლოვანი შვილი) ოჯახების დახმარება - 100 ლარი;

„ი“ ახალშობილთა ოჯახების დახმარება (პირველი და მეორე ბავშვის შეძენის შემთხვევაში) - 100 ლარი;

„კ“ ხანძრის შედეგად დაზარალებული ოჯახების დახმარება - არაუმეტეს 1000 ლარისა;

„ლ“ უპატრონო მიცვალებულის დაკრძალვის ხარჯი - 200 ლარი;

„მ“ მაღალმთიან რეგიონში (თუშეთში) მცხოვრები ოჯახები - 100 ლარი (სასურსათო პაკეტი საახალწლოდ და სააღდგომოდ - 50-50 ლარი);

„ნ“ მაღალმთიან რეგიონში (თუშეთი) მუდმივად და სეზონურად მცხოვრებ პირთა პირველადი სამედიცინო დახმარებისათვის საჭირო მედიკამენტების შეძენა - 1000 ლარი;

„ო“ უფასო კვების ობიექტი - 112.500 (ას თორმეტი ათას ხუთასი) ლარი;

„პ“ დიალიზის სახელმწიფო პროგრამით მოსარგებლე პირების ტრანსპორტირების ხარჯებისათვის არაუმეტეს 500 ლარი;

ჟ) სტიქიის შედეგად უსახლკაროდ დარჩენილი ოჯახების საცხოვრებელი პირობების გაუმჯობესების მიზნით ბინის ქირით უზრუნველყოფა - ყოველთვიურად არაუმეტეს 70 (სამოცდაათი) ლარი, 4 (ოთხი) თვის განმავლობაში.;

რ) დიალიზის სახელმწიფო პროგრამით მოსარგებლე, ონკოლოგიური და ფსიქიკური პრობლემის მქონე ავადმყოფებისათვის შესაბამისი მედიკამენტების თანადაფინანსება.

ს) განსაკუთრებულ შემთხვევებში „სოციალური პაკეტით განსაზღვრული დახმარების მსურველ პირთა განცხადებების განმხილველი კომისიის“ დასკვნის საფუძველზე სოციალური დახმარება იმ პირების მიმართ, რომლებიც ვერ აკმაყოფილებენ სამიზნე ჯგუფის მოთხოვნებს ან კონკრეტული მიზეზების გამო ამ ეტაპზე შეუძლებელია დახმარება სოციალური პროგრამის სხვა მუხლებიდან.

ახმეტის მუნიციპალიტეტის საკრებულოს 2015 წლის 1 ივნისის დადგენილება №48 - ვებგვერდი, 05.06.15 წ.

ახმეტის მუნიციპალიტეტის საკრებულოს 2015 წლის 5 ოქტომბრის დადგენილება №63 - ვებგვერდი, 07.10.15 წ.

მუხლი 7. სოციალური დახმარების გაცემის წესი

1. პროგრამის განხორციელებაზე პასუხისმგებელია ახმეტის მუნიციპალიტეტის გამგებლის ბრძანებით დამტკიცებული სოციალურ საკითხთა დროებითი კომისია.

2. სოციალური დახმარების დროებითი კომისიის გადაწყვეტილება მტკიცდება მუნიციპალიტეტის გამგებლის ბრძანებით.

3. პროგრამით გათვალისწინებული თანხის გაცემა თითოეული მუხლის მიხედვით ერთჯერადად ხორციელდება მუნიციპალიტეტის გამგებლის ბრძანების საფუძველზე.

4. სოციალური დახმარების მისაღებად საჭირო საბუთების წარმოდგენისას მოქალაქეს საკონსულტაციო დახმარებას უწევს გამგებლის ჯანდაცვისა და სოციალურ საკითხთა სამსახური, ხოლო წარმოდგენილი საბუთების სისწორეს ამოწმებს მუნიციპალიტეტის გამგებლის ბრძანებით დამტკიცებული სოციალურ საკითხთა დროებითი კომისია.“.

5. ამ დანართით გათვალისწინებული სოციალური დახმარებები ერთჯერადაა (ერთ ბენეფიციარზე წლის განმავლობაში გაცივმა მხოლოდ ერთხელ), გარდა მე-6 მუხლის „ბ“, „რ“ და „ო“ ქვეპუნქტებში მითითებული შემთხვევებისა, ამასთანავე, „ბ“ და „რ“ ქვეპუნქტების შემთხვევაში, ერთ მოქალაქეზე გაცემულმა თანხამ წლის განმავლობაში არ უნდა გადააჭარბოს 1000 ლარს.



6. პირს (ოჯახს), რომელიც ერთდროულად აკმაყოფილებს ამ პროგრამით გათვალისწინებული ორი ან მეტი სამიზნე ჯგუფისათვის დადგენილ მოთხოვნებს, უფლება აქვს მიიღოს ყველა შესაბამისი სახეობის დახმარება.

7. არასრულწლოვანი პირის შემთხვევაში თანხა გაიცემა კანონიერ წარმომადგენელზე, ხოლო ასეთის არარსებობის შემთხვევაში - ოჯახის ერთ-ერთ სრულწლოვან წევრზე.

8. უპატრონო მიცვალებულის დაკრძალვის სარიტუალო ხარჯის გაცემა ხორციელდება შესაბამის ადმინისტრაციულ ერთეულში მუნიციპალიტეტის გამგებლის წარმომადგენელზე მისივე შუამდგომლობის საფუძველზე.

9. პროგრამით გათვალისწინებული თანხა გაიცემა უნაღდო ანგარიშსწორების წესით.

ახმეტის მუნიციპალიტეტის საკრებულოს 2015 წლის 1 ივნისის დადგენილება №48 - ვებგვერდი, 05.06.15 წ.

ახმეტის მუნიციპალიტეტის საკრებულოს 2015 წლის 5 ოქტომბრის დადგენილება №63 - ვებგვერდი, 07.10.15 წ.

მუხლი 8. პროგრამის განხორციელების შედეგი

პროგრამის განხორციელების შედეგია:

„ა“ საერთო სოციალური ფონის უკეთესობისაკენ შეცვლა;

„ბ“ უკიდურესად გაჭირვებულ პირთა სოციალური მდგომარეობის გაუმჯობესება.

მუხლი 9. პროგრამის საინფორმაციო უზრუნველყოფა

პროგრამის ბენეფიციარები პროგრამით გათვალისწინებული ღონისძიებების შესახებ ინფორმირებული იქნებიან შემდეგი გზით:

„ა“ ადგილობრივი საინფორმაციო საშუალებებით;

„ბ“ ადმინისტრაციულ ერთეულში გამგებლის წარმომადგენლის მეშვეობით.

მუხლი 10. პროგრამის შეფასება

განხორციელებული სოციალური პროგრამის ეფექტურობის დადგენის მიზნით 2015 წლის დეკემბერში ახმეტის მუნიციპალიტეტის გამგეობა საზოგადოების არასამთავრობო სექტორის წარმომადგენლებთან ერთად განახორციელებს პროგრამის შეფასებას. შეფასებისათვის ძირითადი განმსაზღვრელია შემდეგი კრიტერიუმები:

„ა“ სოციალური დახმარების პროგრამით მოცული მოსახლეობის რაოდენობა განსაზღვრული კრიტერიუმების მიხედვით;

„ბ“ სამიზნე ჯგუფების ინფორმირებულობა;

„გ“ დახმარების გაცემის პროცესის სიმარტივე და ოპერატიულობა.

დანართი №2

ახმეტის მუნიციპალიტეტის მოსახლეობის სოციალური დახმარების 2015 წლის პროგრამის ბიუჯეტი

№	პროგრამის დასახელება	ბენეფიციართა სავარაუდო რაოდენობა	სოციალური დახმარების ოდენობა (ლარებში)	
			ერთ პირზე/ოჯახზე	სულ
1	2	3	4	5



1	ეკონომიურად და სოციალურად გაჭირვებული ოჯახები, რომლებიც არ იღებენ სოციალურ შემწეობას და მათი ოჯახის სარეიტინგო ქულა არის 70 000-მდე (ქულის მინიჭების თარიღიდან გასული უნდა იყოს არაუმეტეს ერთი წელი)	95	100	7500
2	სოციალურად დაუცველ მოქალაქეთა სტაციონარული მკურნალობის, ოპერაციისა და ლაზორატორიული გამოკვლევების, ცერებრალური დამბლით დაავადებულ ბავშვთა სამკურნალო ვარჯიშების დაფინანსება (გარდა ესთეტიკური ქირურგიის, კოსმეტიკური მიზნით ჩატარებული მკურნალობის და ლოგოპედის მომსახურებისა)		მოქალაქის მიერ გადასახდელი თანხის 3000 ლარის და მეტის შემთხვევაში – არაუმეტეს 1000 ლარისა, 3000 ლარამდე თანხის შემთხვევაში – არაუმეტეს 500 ლარისა, მოქალაქის მიერ 500 ლარამდე გადასახდელი თანხის შემთხვევაში აღნიშნული პროგრამით დაფინანსდება მხოლოდ ის ოჯახი, რომლის სარეიტინგო ქულა არის 70 000-მდე.	153.000
3	შეზღუდული შესაძლებლობის მქონე ბავშვები (16 წლამდე)	40	საახალწლოდ – 50	2.000
			საადღგომოდ – 50	2.000
			სულ – 100	სულ - 4.000
4	უდედმამო ბავშვები (16 წლამდე)	15	საახალწლოდ – 50	750
			საადღგომოდ – 50	750
			სულ – 100	სულ - 1.500
5	95 წელს გადაცილებულ ხანდაზმულთა დახმარება	15	100	1000
6	საქართველოს ტერიტორიული მთლიანობისათვის ბრძოლაში დაღუპულთა ოჯახები	8	საქართველოს დამოუკიდებლობის დღეს (26 მაისს) – 250	2.000
7	ა) სამამულო ომის ვეტერანების სადღესასწაულო დახმარება	7	9 მაისისთვის – 200	1400
	ბ) ომის ვეტერანთა სარიტუალო ხარჯები	5	გარდაცვლილი ვეტერანის ოჯახის ფულადი დახმარება – 250	1300
8	მრავალშვილიანი (რომელთაც ჰყავთ 2014 წლის 1 ივნისამდე დაბადებული 4 და მეტი ასრულწლოვანი შვილი) ოჯახების დახმარება	64	100	4900
9	ახალშობილთა ოჯახების დახმარება (პირველი და მეორე ბავშვის შემენის შემთხვევაში)	140	100	14000
	ოჯახები, რომელთაც ხანძრის შედეგად დაუზიანდათ		არაუმეტეს 1000	2000



10	საცხოვრებელი სახლი			
11	უპატრონო მიცვალებულის დაკრძალვის ხარჯი	5	200	200
12	სასურსათო პაკეტი მაღალმთიანი რეგიონის (თუშეთი) მუდმივად მცხოვრებთათვის	25	საახალწლოდ – 50	1.250
			საადღგომოდ – 50	1.250
			სულ – 100	სულ – 2.500
13	მაღალმთიან რეგიონში (თუშეთი) მუდმივად და სეზონურად მცხოვრებ პირთა პირველადი სამედიცინო დახმარებისათვის საჭირო მედიკამენტების შეძენა			1.000
14	ა(ა)იპ „ახმეტის მუნიციპალიტეტის სოციალური სახლის“ უფასო სასადილოს დაფინანსება	250		112.500
15	დიალიზის პროგრამით მოსარგებლე პირების ტრანსპორტირების ხარჯები		არაუმეტეს 500 ლარი	6.000
16	სტიქიის შედეგად უსახლკაროდ დარჩენილი ოჯახების საცხოვრებელი პირობების გაუმჯობესების მიზნით ბინის ქირის ხარჯები		ყოველთვიურად არაუმეტეს 70 ლარი, 4 თვის განმავლობაში	0
17	დიალიზის სახელმწიფო პროგრამით მოსარგებლე, ონკოლოგიური და ფსიქიკური პრობლემის მქონე ავადმყოფებისათვის შესაბამისი მედიკამენტების თანხის თანადაფინანსება		წელიწადში არაუმეტეს 1000 ლარი	13 750
18	განსაკუთრებულ შემთხვევებში „სოციალური პაკეტით განსაზღვრული დახმარების მსურველ პირთა განცხადებების განმხილველი კომისიის“ დასკვნის საფუძველზე გამოყოფილი სოციალური დახმარება იმ პირების მიმართ, რომლებიც ვერ აკმაყოფილებენ სამიზნე ჯგუფის მოთხოვნებს ან კონკრეტული მიზეზების გამო ამ ეტაპზე შეუძლებელია დახმარება სოციალური პროგრამის სხვა მუხლებიდან.			9 000
				სულ – 337.500

ახმეტის მუნიციპალიტეტის საკრებულოს 2015 წლის 1 ივნისის დადგენილება №48 - ვებგვერდი, 05.06.15 წ.

ახმეტის მუნიციპალიტეტის საკრებულოს 2015 წლის 5 ოქტომბრის დადგენილება №63 - ვებგვერდი, 07.10.15 წ.

ახმეტის მუნიციპალიტეტის საკრებულოს 2015 წლის 7 დეკემბრის დადგენილება №70 - ვებგვერდი, 10.12.15 წ.

